



Vitæ D. N. Iesv Christi Monotessaron Evangelicum

Heser, Georg

Monachii, 1657

11. De adventu pastorum in stabulum.

Nutzungsbedingungen

[urn:nbn:de:hbz:466:1-56533](#)

Dominus , in civitate David. Et hoc vobis signum: Invenietis infantem pannis involutum, & positum in præsepio. *Luc. 2. v. 10.*
11. 12.

III. Et subito facta est cum Angelo multitudo militia cœlestis, laudantium Deum, & dicentium : Gloria in altissimis Deo, & in terra pax hominibus bonæ voluntatis. *Luc. 2. v. 13. & 14.*

MEDITATIO XI.

De adventu pastorum in stabulum.

I. ET factum est, ut discesserunt ab eis Angeli in cœlum, pastores loquebantur ad invicem : Transeamus usque Bethlehem, & videamus hoc verbum , quod factum est, quod Dominus ostendit nobis. *Luc. 2. v. 15.*

II. Et venerunt festinantes : & invenerunt MARIAM , & IOSEPH , & infantem positum in præsepio. Videntes autem, cognoverunt de verbo , quod dictum erat illis de puerò hoc. *Luc. 2. v. 16. & 17.*

III. Et omnes , qui audierunt , mirati sunt de his , quæ dicta erant à pastoribus ad ipsos. MARIÀ autem conservabat omnia verba hæc , conferens in corde suo. *Luc. 2. v. 18. & 19.*

IV. Et

AD ANNVM XXX.

IV. Et reversi sunt pastores , glorificantes & laudantes Deum in omnibus, quæ audierant & viderant, sicut dictum est ad illos.
Luc. 2. v. 20.

MEDITATIO XII.

De circumcisione Domini.

I. Postquam consummati sunt dies octo , ut circumcideretur puer, vocatum est nomen ejus I E S V S : quod vocatum est ab Angelo , priusquam in utero conciperetur.
Luc. 2. v. 21.

MEDITATIO XIII.

De adventu Magorum Hierosolymam.

I. Cum natus esset IESVS in Bethlehem Iuda, in diebus Herodis regis, ecce Magi ab Oriente venerunt Ierosolymam, dicentes : Vbi est , qui natus est rex Iudæorum ? vidimus enim stellam ejus in Oriente, & venimus adorare eum . *Matth. 2. v. 1. &c. 2.*

II. Audiens autem Herodes rex , turbatus est, & omnis Ierosolyma cum illo. Et congregans omnes Principes sacerdotum, &

A 5 Scri-